

Bosna i Hercegovina  
Federacija Bosne i Hercegovine  
Tuzlanski kanton  
Općina Teočak  
Broj: 02-11-125-5/22  
Teočak, 04.03.2022. godine

Na osnovu člana 111. stav (1) tačka b) Zakona o javnim nabavkama („Službeni glasnik BiH“, broj: 39/14) i Zaključka ureda za razmatranje žalbi broj: JN2-03-07-1-367-6/22 od 24.02.2022. godine, Općinski načelnik donosi:

## **ODLUKU** **o nastavku postupka javne nabavke i izmjeni i dopuni Tenderske dokumentacije**

### **Član 1.**

Nastavlja se postupak javne nabavke konkurentskim zahtjevom: Nabavka građevinskih radova na uređenju poslovnih prostora u objektu sportske dvorane u Teočaku, a za koju je Objavljeno obavještenje o nabavi na portalu javnih nabavki pod brojem: 98-7-3-8-3-2/22 od 26.01.2022. godine, te se vrši izmjena Tenderske dokumentacije po pokrenutom postupku kako slijedi:

Podtački 4.1.1. se dodaje: Ponuda treba sadržati sljedeće dokumente:

1. Obavještenje o javnoj nabavci (dostupno na portalu Javnih nabavki)
2. Obrazac za ponudu s Izjavom ponuđača (forma data u aneksu 2)
3. Sadržaj
4. Obrazac za cijenu ponude (aneks 3)
5. Izjava o ispunjavanju uslova po članu 45. Zakona (Lična sposobnost- aneks 4)
6. Izjava o ispunjavanju uslova po članu 47. Zakona (aneks 5)
7. Izjava po članu 52. Zakona (aneks 6)
8. Obrazac povjerljivih informacija (aneks 7)
9. Nacrt ugovora (aneks 8)

- Podtačka 3.3.2. pod a) mijenja se i glasi: Potvrda poslovne banke ponuđača da njegov bankovni račun nije bio u blokadi u prethodnih 6 (šest) mjeseci. Potvrda poslovne banke ne smije biti starija od 3 (tri) mjeseca računajući od datuma dostave ponude.
- tačka 3.4., podtačka 3.4.1. dio pod a) mijenja se i glasi: da imaju uspješno iskustvo u realizaciji najmanje 1 (jedan) ugovor u posljednjih 5 (pet) godina ili od datuma registracije odnosno početka poslovanja, koji su u vezi s predmetnom nabavkom odnosno čiji su karakter i kompleksnost adekvatni predmetnoj nabavci;
- dio podtačke 3.4.1. pod b) se briše

### **Član 2.**

Rok za dostavljanje ponuda se produžava do 14.03.2022. godine do 11,00 sati.

Ponude se otvaraju dana 14.03.2022. godine u 12,00 sati u prostorijama Općine Teočak, Centar bb, 75414 Teočak u Sali za sastanke, u prisustvu ponuđača koji žele prisustvovati. Ponuđači koji budu prisustvovali otvaranju ponuda moraju dostaviti punomoć ponuđača da mogu istom prisustvovati.

Ostali dio tenderske dokumentacije ostaje nepromijenjen.

### **Član 3.**

Ova Odluka stupa na snagu danom donošenja, dostavlja se svim ponuđačima u postupku i objaviti će se na internet stranici Općine Teočak.

## Obrazloženje

Postupak javne nabavke pokrenut je Odlukom o pokretanju postupka javne nabavke građevinskih radova na uređenju poslovnih prostora u objektu sportske dvorane u Teočaku broj: 02-11-125-1/22 od 21.01.2022. godine. Procijenjena vrijednost nabavke je 42.400,00 KM bez PDV-a, a nabavka je provedena putem konkurentskog zahtjeva.

Dana 31.01.2022. godine na adresu Ugovornog organa je stigla žalba na tendersku dokumentaciju za nabavku predmetnih radova od potencionalnog učesnika u postupku, kandidata/ponuđača „FCT“ doo Banja Luka sa sjedištem u ulici Petra Rađenovića 12, 78000 Banja Luka zastupanog putem advokata Željka Višića. Žalba je dopuštena, blagovremena i izjavljena od strane ovlaštenog lica.

Ugovorni organ je nakon zaprimljene žalbe donio Odluku o obustavi postupka javne nabavke broj: 02-11-125-4/22 od 01.02.2022. godine. Žalba je zajedno sa izjašnjenjem na žalbu u zakonskom roku poslana preporučenom poštom na adresu Ureda za razmatranje žalbi.

Prema Zaključku ureda za razmatranje žalbi broj: JN2-03-07-1-367-6/22 od 24.02.2022. godine, odbacuje se žalba žalioca „FCT“ doo Banja Luka.

Imajući u vidu Zaključak Ureda za razmatranje žalbi, Komisija za javne nabavke je odlučila da izmjeni i dopuni tendersku dokumentaciju kako bi riješila sve eventualne nejasnoće potencijalnih ponuđača. Tenderska dokumentacija sa izmjenama i dopunama (prečišćeni tekst) bit će postavljena na portalu javnih nabavki.

U skladu s navedenim, Ugovorni organ donosi odluku o nastavku postupka javne nabavke.

### Pouka o pravnom lijeku:

Žalba protiv ove Odluke nije dopuštena.

Dostaviti:

- svim potencionalnim ponuđačima koji su preuzeli TD
- a/a
- web
- a/a



Općinski načelnik  
Tajib Muminović